

北京華新書局

長 18310-12

光緒33年(1906)三版

重印中國歷史課本叙

陽湖錢 鏞

中國歷史課本。曩者鏞監督保定高等學堂時。所編教科書之一。衡水劉君乃巖所編纂也。其時書成刊印。但課本校諸生。未嘗傳布他校。既而鏞奉檄奉天。筦學務處事。奉天文學進化。於腹地諸省爲後。又值日俄兩國兵爭。事益不舉。然官吏士庶。鑒於異國憑陵之已事。知興國作人。必以教育爲先。於是上下一心。振興學務。數月之間。學校之成立者。以數十計。而猶日增。而未有已。建學之始。恒苦無適用之書。以爲教授之用。適鏞奉檄入都。承事於中日議約全權大臣項城袁宮保。乃以曩者所編中國歷史。呈請鑒定。宮保則大稱賞。以謂高等小學以上之學校。皆適用。叙而授鏞。屬更印行。鏞以屬之常君增璋。更爲編校。而印行之。劉常二子。皆故京卿吳摯父先生高弟。湛深經史。貫通中外之學。而文辭尤有師法。是書

保定高等學堂  
奉天學務處

經二子之手。反覆研究而後成。其審慎完善爲何如也。自新學浮興。言歷史者。動謂吾國舊史。大抵一姓帝王之私譜。於所謂民族史國史之新義。不相合。乃競取小說雜記之所言。牽引附會。編次成書。以求合於歷史學之新義。此亦近今之通蔽矣。夫所貴乎歷史學者。以其述國家之故事。起國民之感情也。吾國自唐虞以來。皆以國土爲君主之所有。故往者史家。皆以一姓統全國。然而國君之興亡。斯民族之文野彊弱。可附以共見。今乃必取小說雜記山野村市猥瑣不經之談。舊史所不載者。以求合國史民史之新義。無論其於傳信之義何如。而歷代衰興之大端已略矣。故事之不悉。安所得起感情乎。流極支離。且更入於無君之異說。何莫非彼附會史學新義者之啓其機也。且夫外國之所以有國史民史者。以其向來立國之成迹如是也。成迹不如是。而必遷就以合之。然則塑古人之像。而

中國歷史敘  
強指一今人之偉麗者爲之範。遂謂神似所塑之古人。其可謂得乎。況外國亦未嘗不尊君。日本人士。且以其二千年皇統一系。誇於五洲。而明治維新。即原因於尊王之學說。則吾又安可捨一定之君統。而別事張皇乎。今是編著歷代成敗治亂之迹。皆以帝王爲綱。而民族文化之進退。種族之消長。即因以著白。即故事而陳新義。是誠符合乎歷朝之成迹。而吾國歷史之善本矣。書重印既成。乃發鄙意弁於其端。而載之以餉奉天學子。光緒三十有一年冬。陽湖錢鏐識。

中國歷史課本敘

項城袁世凱

日本教育家謂編纂歷史。必明著國家社會文化。所以變遷精進之故。使讀者曉然於天下萬事。皆人類所構成。如是而競爭之心生。勇往之志固。旨哉斯言。歷史之在今日。各國學校。咸列專科。自卅角以至成人。悉令研究者。實因國民愛國之精神。非此不足以感發之耳。顧舊時乙部浩繁。童而習之。皓首而末由卒業。以之與課程表相準。往往齟齬而不適於用。錢紹雲觀察。監督保定高等學堂。爰手定編書條例。延攬鴻碩。分編各科課本。觀察自總其成。而中國歷史先成。刊爲四冊。乞序於余。余披覽是編。條分縷析。詞約義豐。凡歷代用人行政。存亡得失之大綱。靡不隱括其要。惜書中表揚人傑。足以鼓吾文明種族愛國之精神。其言東西互市。海陸洞闢之由。足以牖吾冒險殖民之志氣。自漢以來。釀成重文輕武。重士輕商。

之俗。今雖優養武士。提倡實業。苦於積重難返。行百里而九十焉。讀是編者。鑒於前失。憬然覺悟。發憤爲雄。中國前途。庶有多乎。抑尤有進者。東西洋學風流行。吾國學子。大抵用其率易不文之詞。著書行世。而文事忽焉不講。意以爲淺近易通也。究之不取足於文者。其意且無由以達。往往支蔓輻輳。不足於義。而徒費於詞。後生傳習。或至執筆而不能自明其所欲言。此一蔽也。是編文詞。具有家法。括四千餘年之故事。約以十萬餘言。而條理明達。奧如曠如。自高等小學以上之生徒。苟得此本而研究之。固將以述往思來。充揚國粹。而以其間紬繹其文詞。且可爲文法學科之一助也。然則紹雲觀察之爲是書也。其所及不亦遠歟。光緒乙巳季冬。項城袁世凱序。

中國歷史課本原敘

陽湖錢 鏞

癸卯之秋。鏞奉檄管直隸大學堂。時學堂諸生。以非由中學遞升。方補習

中學課程。

本堂漢文自壬寅開學以來。仍沿用剛日讀經。柔日讀史。筆記作文。諸法本年暑假後開學。改爲經史內政外交四門。而

教課又苦無專書。乃議上大府。草創編書條例。招集賓友。依本校課程。分門編纂爲書。以爲教授之用。行將上之管學。而報命於大府。既而歷史課本先成。遂爲付印。而他書亦踵成矣。方今京師及各行省。官私學校。或講學社會。莫不各自爲書。以供教科之用。或乃謂其學校程度。既已不齊。斯其書雖各自適用。易地而固弗良。噫。嘻。天下之事。當其初興。莫不羣智並驅。自賢自聖。遲之既久。則獨存一是。而漸滅其餘。此天然淘汰之公例。迨至此而良窳判然矣。今之爲書。其於天然淘汰之中。誠不敢自知其何若。要但求其足適吾用而已。歷史課本。詞約而義富。其是非或有見於文字。

之外者是在講授者之引伸矣。光緒三十年冬。陽湖錢鏐識。

中國歷史課本勘誤表

第幾編	第幾頁	第幾行	第幾字	正字	誤字
第一編	第六頁	第七行	第八字	妃	祀
一編	六	十二	十四	鳥	烏
一編	二十五	十七	二十六	又	义
二編	九	十五	二十二	遂	逐
二編	十	十九	二十三	紹	
二編	十六	十八	二十六	亡	王
二編	十七	一	十二	逃	狄
二編	二十二	十三	二十三	丕	不
二編	二十四	十六	四	敗	敗

二編 二十七 九 五

數

三編 十五 二十四

趙

三編 十九 十四 十三

翔  
翺

三編  
十九  
十六  
二十一  
二十三

塘  
塘

三編  
二十  
此頁敬現  
誤敬塘

三編 二十二 十二 二

三編 二十三 二十一

維  
雜

三編 二十六 一

允明 明允

三編  
二十六  
八  
七

業義

三編 二十六 二十二 二十八

業  
明  
義  
明  
九

三編 三十二 十三 五

義  
壽

三編 三十三 九 二十一

地城

三編 三十八 二 二十二 三

制度  
制度

三編  
四十三  
十二  
二二  
十六  
五

未幾 幾未

三編下  
一  
四  
二十

徙  
徙

三編下  
二  
十四  
上句一點字皆誤

三編下 三 九 二十四 人 八

三編下 五 十八 二十七 舊 舊

三編下  
十  
十六  
二十九  
韓琦 琦韓


三編下 二十四 十六 伐於

三編下 二十二 二十二 十七 金 遼

三編下	二十八	十	二十六	突厥
三編下	二十九	十一	四	還遷
三編下	三十四	四	四	大上
三編下	三十五	十九	八	雖難
四編	五	四	十三	湖江
四編	五	五	五	湖江
四編	九	六	二十一	亟擾
四編	九	七	二十四	擾亟
四編	十三	十七	十二	郎即
四編	十四	二	二一	賊縛縛賊
四編	十四	二十一	六五	嘉慶慶嘉

# 中國歷史課本第一編 上古史

## 第一課 總論一



大地萬物由單純日趨繁賾。獨人類由朴野日趨文明。層累迭進。未有已時。此人類所以獨爲大地主人類之歷史。萬物之歷史也。歷史又非徒記世代之沿革。實人羣思想之維係。故人各自珍惜其種族之歷史。近世偉識遠見之士。無不於歷史加之意。於所謂君史。民史。一姓之史。種族之史。尤反覆言之。豈無故哉。人類之初祖。在動物植物之間。無所謂種族也。已有種族矣。種族相爭。則不能無國界。有國界。則不能無政治。政治者。風俗之遺。蛻也。有種族。有風俗。則舉族聽命於酋長。有國界。有政治。則舉國聽命於君主。於是。有酋長時代。貴族時代。封建時代。私天下時代。公天下時代。君主時代。民主時代。共和時代。方今民族帝國主義。洋溢五洲。將來

中國歷代通鑑輯覽卷一百一十五  
馴至大同所謂烏託邦者無難預決而風俗之政治一切變而爲公理之政治亦確乎不可移易特未知茫茫世宙磊磊五洲之英雄各爭存於天擇物競之中誰歟享此最後之幸福而光耀此最後之歷史者顧尤望吾儕讀此中國歷史振起合羣之思想保此中國種族中國土地中國宗教超越此過渡時代而孕育最後之英雄也

## 第二課 總論二

中國地勢占亞細亞洲大陸之中部乃開闢最先之世界最先文明之種族也披四千年唐虞之史較之和美耳之詩其時代文野相去可知

和美耳不

過以淺語爲詩存古事而已若二典則煥乎文章彼之古史不如我之蓋古史是以知文明先後之異和美耳希臘詩人歐人稱爲古之詩史  
人種自西北遷流內地繁衍於黃河流域至今已五千餘年矣唐堯定都冀州禹貢叙九州以大河控制豈非以種族舊居乎當黃帝之世征討四

方建立帝國東至海西至甘肅南至江北至直隸山西北境實爲中國一統政治之始中國種族亦由此而大及禹平治水土塗山之會來者萬國秦皇漢武雄武震古今至元太祖世祖兩朝版圖式廓益復橫被方外此六君者眞中國特出之奇傑吾黃色人羣之代表也讀中國之歷史而自忘其種族之能事可乎中國歷史當區分三期曰上古曰中古曰近古秦以前爲上古之期自秦至隋爲中古之期五代至明爲近古之期

## 第三課 總論三

中國自上古至明區爲三期可謂天然界畫矣然觀歷代成敗順逆之蹟三期之中又截然爲兩大期所謂尙德之期尙力之期是也秦以前人君皆國民代表以民樂其德而奉之也是謂尙德之期秦以後之君多不足代表國民之精神品位而又強劫以有天下是謂尙力之期尙德則有天



下以漸其失天下亦以漸。尚力則取天下以暴。其失天下亦以暴。尚德如此。尚力如彼。而國祚之修短興廢之遲速。亦未有不與此爲比例。其故何哉。綜觀自秦至明二千餘年。都二十四史。其得也。或由匹夫。或由夷狄。或由攘奪。或由篡弑。其失也。或以寺宦。或以女寵。或以權奸。或以寇盜。得之倉猝而失之益易。豈非以壓力愈重。反動力愈甚哉。彼秦以前之天下。久而後失之者。壓力少也。故吾以爲中國古昔閉關一統。無外來之激刺。雖有邊患。無一敗塗地之虞。雖有知識。無交通進步之猛。祇此壓力反動力。同種擾攘而已。近百年來五洲大通。文明日益激刺。天演公例。日明破盡。四千年成局。漸入優勝劣敗世界。又不若壓力尚有反動時矣。觀數千年興革之故。知吾族自黃炎以來之可貴。知吾族蹉跎至今日之不易。尚其捐棄腐舊。以對待此天演劇烈之新世界乎。

#### 第四課 總論四

中國古史簡缺。開闢以來。帝王世紀。雖孔子不能道其詳。故刪書斷自堯典。摩西舊約記開闢以來。自亞當以下。世系甚詳。而方舟造塔事。殊荒誕。若誑食別善惡果諸事。尤可笑。獨其記洪水之患。與中國同時。爲可信耳。至日本各史。載其神代世紀。亦與中國小說同一陋習。古事荒遠。難稽固不獨中國爲然也。司馬遷作史記。推本黃帝。

黃帝以上。已不能言。聖賢徵信後世。固不得不慎。要亦由無據本耳。自司馬貞補史記。始三皇。又侈論天皇諸代。劉恕陳經通鑑外紀。胡宏皇王大紀。皆始盤古。於上古事稍侈矣。然附會神奇。予人以難信。無寧缺也。獨我高宗純皇帝御批通鑑輯覽。自伏羲斷代。可謂折衷至當。蓋後世萬事皆本原上古。略而弗談。是使後世不知所自始也。伏羲事多出經傳探經傳所已有。而擯去一切荒怪不經之說。蓋非司馬貞輩所能見及矣。今輯歷史仍遵高宗宸斷起伏義。訖明都六千餘年。若國朝大



事則具於內政。不具論列云。

或以唐虞夏商以及唐宋元明皆一朝之名非一國之名以此議中國歷史之不公不知五洲之國除日本自古一姓各國君主實不一族其一國之史亦未有不隨時以君主之族爲統民主之國猶不能不統一於中央政府況歷代君主之國而可別爲民史國史乎或又以蒙古漢族非一族也不宜統言中國神思三代戎狄久與漢族渾化前後五代蒙漢化合尤不可復分即如吳越秦楚在周皆蠻夷也今尙能殊別其種類乎

### 第五課 伏羲時代

積民而成家。積家而成族。積族而成部落。部落有遷徙。無定處也。又進而有城邑。有定處。謂之國。國與國組織而成一文明之域。其外皆頑昧種族。或山海阻隔。不可旁通。謂之天下。天下者萬民之所積也。於萬民之中。舉一民以統其事。或舉數族歸一族而統受一人之裁制。謂之君。夫既於萬民之中而舉之。舉無限之族而奉之。必其才德思想高出人人而爲人人

所託命者也。於是。有教。有政。以一人之思想。開人人之思想。使種族之品。位日益增高。謂之教。以一人之才德。區處條理。使種族之身家日益蕃息。謂之政。教者教民。政者養民。教養而外。無所謂人君之事。蓋先知先覺。至勞至苦之責任也。自古帝王皆聖人。以君而作師。上古事簡。事事由帝王開。後世事繁。事事由帝王變。通民遂有今日文明之知覺。雖經歷代無窮之變亂。卒未之能遏也。溯五千年前政教之源流。文明之發軔。實自伏羲氏始。

### 第六課 伏羲時代二

太昊伏羲者。生於成紀。成紀今甘肅秦安縣風姓。以木德繼天都陳。陳今河南有聖

德象日月之明。故曰太昊。教民佃漁。故曰伏羲。始養犧牲充庖廚。故又曰庖犧。當帝之時。民居處草野。匹偶無定。飢則捕逐禽獸以爲食。殊不知有

養生傳種之事。惟稍知寒暑而已。帝乃畫八卦。有龍馬負圖出於河。帝乃仰觀象於天。俯觀法於地。中觀萬物之宜。始畫八卦。此中國經術文章之始。非僅主卜筮已也。命五官。因龍馬之瑞。以龍紀官。春官爲冬官。爲黑龍。中官爲黃龍。獨先設此五官。者以四時理萬民也。此中國官制之始。作書契。帝以上古結繩紀事之文字。始作甲歷。此而始立周天歷度日月歲時自始。制嫁娶。以儷皮爲禮。此造琴瑟。琴七十二絃。瑟三十六絃。用此中國樂之始。教民佃漁畜牧。結網罟。居水之民。始知漁。以祀天和。民此中國樂之始。遂使上古蒙昧否塞之種。族一變而爲文明。種族舉後世政教文化無一不自此開之。史稱神靈首出。開物成務。立極萬世。豈虛語哉。帝在位一百十五年。傳十五帝。曰女媧氏。柏皇氏。中央氏。大庭氏。栗陸氏。驪連氏。渾沌氏。赫胥氏。尊盧氏。吳英氏。有巢氏。朱襄氏。葛天氏。陰康氏。無懷氏。凡千二百六十年。而神農氏作。蓋自開闢以來。始有伏羲氏文明開化之時代。又千二百餘年。始有神農氏文明進化之時代。

### 第七課 神農時代

炎帝神農者。

以火德代伏羲氏。治天下。故曰炎帝。中國舊說五行相生。冠故歷代有天下者。所尚之德。皆取與前代相生。尅如金代木。

土代火之類是也。其例實自神農氏始。

起於烈山。

烈山一名厲山。在今湖北德安府。

姜姓。

長於姜水。故姜姓。姜水在今陝西鳳

翔都陳遷曲阜。

今山東曲阜縣。

以火紀官。

春官爲大火。夏官爲鶉火。秋官爲西火。冬官爲北火。中官爲中火。

上古以來。帝始以農事教民。又制醫藥。療民疾苦。故曰神農。當是之時。伏羲氏佃漁畜牧之教化。旁輸他族。已千有餘年。民或亦稍知粒食。大抵採擷野禾耳。帝乃藝五穀。擇野禾中之實。碩堅者。爲耒耜。教民種植。於是民有恒產。種族日益繁庶。民種既繁。居處既定。勢不得不取資貿遷。帝又列廛於國。日中爲市。致天下之民。聚天下之貨。使民得有無交通之便利。於是荒蕪部落。居然繁富都矣。此中國文明進化第二期也。初伏羲都陳。陳卽諸部落適中之地。及帝遷都曲阜。蓋又沿黃河東漸。然其權力尙不至東海至。

夙沙氏來歸夙沙氏煮海為鹽不用帝命既○有○海○權○又○得○鹽○利○不○特○文○

明日進權利亦擴張矣帝在位一百四十年傳八世自神農至日帝臨

魁炎帝子帝承帝臨子帝明帝承子帝宜帝明子帝來帝宜子帝裏帝來子帝榆罔帝裏子

凡五百二十年而黃帝氏作至黃帝遂成帝國統一時代

第八課 黃帝時代

黃帝者少典氏之子少典神農時諸侯姓公孫名曰軒轅國於有熊故亦曰有熊

帝曰黃是時神農氏衰諸侯相侵伐暴虐百姓而蚩尤最暴於是諸侯咸歸

帝帝乃徵師諸侯禽蚩尤於涿鹿之野涿鹿山名在今直隸保安州諸侯推尊遂代神

農氏有天下不順者征之服則舍之方行天下以師兵為營衛始制陳法謂之握奇

東至海西至崆峒山名在今甘肅肅州南至江北逐葷粥山戎別號即葷粥合符釜山涿鹿附近

而邑於涿鹿之阿畫野分疆經土設井經界之始官皆以雲名春官青雲夏官緇雲秋官

白雲冬官黑雲立六相即風后力牧之屬及左右史即蒼頡沮誦復置左右大監監於萬

國黃帝以前不過春夏秋冬中五官餘多不備至此官制始繁蓋開闢以來未有之勢力未有之規模

也四字既平精心制作於是立占天官鬼黃區占星義和占日作甲子即天

也命大地支十二作蓋天命容成及調歷黃帝名定算數即九章算法造律呂伶倫吹竹以定

六律作咸池之樂黃帝樂名作器用寧封為陶正赤將為木正揮作弓夷作合

宮廣宮室之制作貨幣作金刀泉布帛制六書象形指事會意轉注諧聲假借作內經岐伯

經內教民蠶帝元祀嫫祖作冕旒正衣裳帝為玄衣黃裳染衣冠文物世

界煥然矣帝在位百年有子二十五人元妃之子摯嗣立是為少昊氏少

昊以下皆守成之主席黃帝餘威而已

第九課 少昊 顓頊 帝嚳

少昊金天者名摯已姓黃帝之子以金德王天下故曰金天能脩太昊之

德故曰少昊都曲阜以鳥紀官鳳鳥為歷正元鳥司分白鳥司至青鳥司

唯鳩司馬鳩鳩司空爽鳩司寇鵲鳩司帝在位八十四年顓頊嗣立是為

高陽氏

顓頊高陽者姬姓黃帝之孫初黃帝元妃生昌意昌意降居若水若水即

出西番逕四川與金沙江合遂生帝帝初國高陽今河南開封府杞縣故曰高陽氏都帝邱今直隸大

名府以民事紀官正火正后土始制九州亮冀青徐豫以建寅月為歷元

當少昊之衰九黎亂德民效其俗惑于淫祀帝乃命南正重司天以屬神

北正黎司地以屬民民用安生帝在位七十八年帝嚳嗣是為高辛氏

帝嚳高辛者名叡少昊之孫橋極之子也初受封於辛故曰高辛都亳今河

南河南府偃師縣在位七十年子摯嗣是為帝摯摯在位九年荒淫無度諸侯廢

之而尊堯為天子是為陶唐氏至陶唐之時萬事具備一洗野蠻餘習於

上古為收蓄文明時代於後世為宣泄文明時代案帝嚳有四妃元妃姜嫄生棄為周始祖次為

簡狄生契為殷始祖三為慶都生堯四為常儀生摯摯年最長故先堯立

第十課 唐

帝堯者名放勳帝摯之弟帝嚳次子也育于伊今河南伊陽縣長於耆今山西

姓伊耆初受封陶今山東定陶縣唐今直隸唐縣故曰陶唐氏即位甲辰是為帝元載

中國紀元之始自帝堯甲辰訖明莊烈甲申此四千餘年年歲事實皆可徵信不似上古荒遠難稽矣帝之為治始于親睦

九族便章百姓然後合和萬國帝之七十載諸侯舉舜登庸帝試舜可授

天下而子朱不肖遂薦舜于天使攝位舜命禹治洪水益稷契皋陶為輔

於是民順時和天下治安帝都平陽今山西平陽府在位百有一年有子曰丹朱

後封于丹帝崩百姓悲哀如喪父母三年四方莫舉樂三年之喪畢舜辟丹朱

於南河之南諸侯百姓皆歸舜不歸丹朱遂即位元年丙戌是為有虞

第十一課 虞

虞舜者名重華姚姓父曰瞽叟顓頊之五世孫也其先國於虞今山西平陸縣故曰有虞氏當堯之時洪水未平四凶未去政治猶未盡美善及帝攝政流四凶舉八元八愷禹皋陶稷契夔龍垂益相繼見用然皆未有分職至是即位遂命禹爲司空稷播百穀契司五教皋陶司五刑垂爲共工益爲虞伯夷爲秩宗后變爲典樂龍爲納言命官治民咸得其宜中國自古以來完全政治蓋自此始帝都蒲坂今山西蒲州府在位四十八年有子曰商均初帝以商均不肖故薦禹於天使之攝位後十七年帝巡狩方嶽崩於蒼梧帝崩三年禹讓帝子一如帝之讓堯子諸侯百姓復歸禹禹遂即位是爲有夏氏案堯以天下授舜而已無爲舜以天下授禹亦無爲其所以授之不退疑者以諸侯百姓共許也當時人心皆以人君爲至苦之事故皆退讓無所爭至其不授朱均以二子不知其苦勢必至利己病民也當時君民相信相愛如此

第十二夏

夏禹者名文命鯀之子顓頊六世孫也姒姓賜姓當堯之時河出孟門山名在山之上江淮通流無有平原當時龍門未開呂梁未鑿是爲洪水堯求能治水者羣

臣四岳舉鯀遂以鯀爲崇伯使治水鯀堙洪水九年無功及舜攝政察鯀治水無狀乃殛之於羽山而使禹續成父業會堯崩舜即位以禹爲司空使平治水土禹鑿其父堙水無功乃利用導於是命諸侯百姓興人徒以傳土禹乘四載行山表木定高山大川治河始壺口瀾濟自沅水今河南懷慶府

濟源縣導淮自桐柏今河南南陽府導江自岷山今四川茂州山連互數千里使南北兩條之水

皆注海然後民得居平土既修四瀆又定九州貢賦弼成五服外薄四海十三年而功成舜之三十二載禹攝位丙子遂即天子位都安邑今山西解州

以封邑爲有天下之號是爲夏后禹初封夏伯既即位會諸侯於塗山今江南鳳陽府

懷遠舉皋陶為政將授禪皋陶卒舉益繼之在位八年東巡狩崩於會稽縣今浙江會稽縣子啓立初帝崩益辟居箕山之陽以讓啓如堯舜故事啓雖未立天下已屬意益之佐禹又曰淺天下未洽故諸侯皆去益而朝啓遂即天子位元年甲申是為后啓

第十三課 夏二

后啓禹之子其母塗山氏之女也禹荒度土功八年於外啓之賢蓋母教也自堯舜擇賢禪讓天下習其故事及啓嗣位雖諸侯皆歸而亦有不服者當其初立有扈氏拒命扈國在今陝西西安府啓征之遂大戰於甘地在今陝西鄠縣西南滅有扈天下咸朝夏后帝在位九年子太康立元年癸巳太康尸位盤于游田不恤民事有窮后羿逐之不得反國遂城於陽夏今河南太康縣羿於是據河北帝在位二十九年弟仲康立元年壬戌初太康失國五子太康五弟述大禹民為邦本可近不可狎之意

作歌仲康五子之一也既立命胤侯國在今四川保寧府掌六師征羲和以翦羿羽翼故終仲康之世羿不得逞帝在位十三年子相嗣立元年乙亥相為羿所逼遷于帝邱依斟灌今山東壽光縣斟尋氏今山東濰縣寒國在今山東濰縣東浞殺羿使其子澆滅斟灌斟尋并殺王王后緡歸有仍在今山東濟甯州臣靡奔有鬲在今山東德州北夏后氏中絕

第十四課 夏三

及相后緡生少康于有仍為仍牧正布其德漸收夏衆靡亦自有鬲收灌尋餘燼誅浞少康立元年壬午夏后氏中興在位二十一年子杼立元年甲辰杼在位十七年子槐立元年辛酉槐在位二十六年子芒立元年丁亥芒在位十八年子泄立元年乙巳泄在位十六年子不降立元年辛酉不降在位五十九年弟局立元年庚申局在位二十一年子廩立元年辛巳廩在位二十一年不降之子孔甲立元年



壬寅孔甲在位三十一年。子皐立。元年皐在位十一年。子發立。元年發在位十九年。子癸立。元年癸卯是為桀。自孔甲以來諸侯多畔。夏桀不務德而武傷百姓。百姓弗堪。又嬖妹喜。以亂朝政。天下皆歸湯。湯遂率兵伐桀。桀走鳴條。放死。湯即天子位。桀在位五十三年。自禹至桀十七君。十有四世。都四百三十九年。

第五十課 商

成湯名履。子姓。帝舜賜姓契之十四世孫也。契興於唐虞。大禹之際。功業著於百姓。受封於商。今陝西商州十二傳至主癸。主癸生履。是為成湯。湯之為諸侯在夏桀三十五年。湯之起。自伐葛始。湯起於南亳。亳在今河南商邱縣。葛河南寧陵縣。是時桀信讒淫色。暴虐百姓。湯進伊尹。伊尹名摯。黃帝臣。力牧之後。不用。又疾湯得諸侯。囚湯於夏臺。既而釋之。諸侯韋氏。在今河南滑縣。顧氏。在今山東范縣。昆吾氏。在今直隸開州。復助桀其

臣終古。泣諫不聽。又殺其諫臣關龍逢。於是湯率諸侯興師。伊尹為相。伐昆吾。以攻桀。遂滅夏。即天子位。元年以所封國為有天下之號。曰商。王都亳。湯即位都南亳。後徙西亳。西亳今河南偃師縣。為諸侯十八年。為天子八年。孫太甲嗣位。太甲丁卯卒。太甲既立。元年不遵湯法。伊尹放之桐宮。在今山西開喜縣。而已攝政。三年太甲悔過。反善。然後迎太甲而授之政。太甲在位三十三年。子沃丁立。

元年沃丁在位二十九年。弟太庚立。元年太庚在位二十五年。子小甲立。元年小甲在位十七年。弟雍己立。元年雍己在位十二年。弟太戊立。元年太戊以伊尹之子伊陟為相。巫咸佐之。大脩成湯之政。諸侯歸之。故稱中宗。湯廟號烈祖。太甲號太宗。帝王廟號自商始。

第十六課 商二

中宗在位七十五年。子仲丁嗣位。元年仲丁遷囂。今河南滎澤縣。在位十三年。弟



外壬立。元年外壬在位十五年。弟河亶甲立。元年河亶甲以河決邊相。河今

南內國勢復衰。在位九年。子祖乙立。元年祖乙以河患徙耿。今山西耿復

為水所圯。又徙邢。今直隸以巫咸之子巫賢為相。諸侯賓服。天下大和。在

位十九年。子祖辛立。元年祖辛在位十六年。弟沃甲立。元年在位二十五

年。祖辛之子祖丁立。元年在位三十二年。沃甲之子南庚立。元年在位二

十五年。祖丁之子陽甲立。元年自仲丁以來廢適而更立諸弟子。弟子或

爭相代立。九世不靖。於是諸侯不朝。陽甲在位七年。弟盤庚立。元年盤庚

之時。殷已都河北。至是渡河而南。復都成湯故居。自湯至此改號曰殷。即

亳。諸侯來朝。商道復興。在位二十八年。弟小辛立。元年在位二十一年。弟

小乙立。元年在位二十八年。子武丁立。元年

第十七課 商三

武丁即位。思復興殷而未得其佐。三年不言政事。始以甘盤為相。繼得傅

說。遂伐鬼方。即西三年克之。自是內外無患。是為高宗。在位五十九年。子

祖庚立。元年在位七年。弟祖甲立。元年在位十三年。子廩辛立。元年在位

六年。弟庚丁立。元年在位二十一年。子武乙立。元年武乙遷都河北。即朝

河南在位四年。子太丁立。元年在位三年。子帝乙立。元年在位三十七年。

子辛立。元年是為紂。諡法殘善紂好酒淫樂。嬖於婦人。即妲恃其材力。不

恤百姓。又以費仲為政。蜚廉惡來之屬。相助為惡。聚天下之錢實鹿臺。斂

天下之粟盈鉅橋。又重辟刑。於是百姓怨望。諸侯背畔。微子諫不聽。又殺

少師比干。囚太師箕子。三十三年。西伯姬發大會諸侯於孟津。今河南為天

下誅。無道不期而會者八百國。遂陳師牧野。今河南紂亦率眾拒之。兵潰

自焚死。西伯發即天子位。是為武王。紂在位三十三年。自湯至紂二十八

君都六百四十四年。

第十八課 周

武王。唐虞夏三代之君皆稱帝。自武王自貶其號曰王。名發。姬姓。后稷之裔也。后稷教民稼穡。有

功。唐虞夏三世封於有郃。今陝西武功縣。有子曰不窋。不窋自太康時失官。奔於

戎狄。有子曰鞠。鞠生公劉。公劉雖在戎狄。能脩復后稷之業。百姓歸之。周

道之興自此始。公劉生慶節。慶節立國於豳。今陝西三水縣。有子曰皇僕。皇僕生

差弗。差弗生毀隄。毀隄生公非。公非生高圉。高圉生亞圉。亞圉生公叔祖

類。公叔祖類有子曰古公。古公父是爲太王。太王在小辛時。積德行義。能修

后稷公劉之業。及爲薰鬻侵攻。遷於岐。今陝西岐山縣。國民皆從之。於是營築城

郭。宮室收號其國曰周。古公生三子。長曰太伯。次曰仲雍。少子曰季歷。季

歷娶太任。生昌。昌尤有聖瑞。古公欲立季歷以傳昌。太伯仲雍知其意。逃

去讓季歷。季歷立是爲王。季歷於帝乙時爲侯伯。及昌立爲西伯。是爲

文王。西伯遵后稷公劉之業。則古公王季之法。篤於仁義。敬老慈幼。當時

賢人如伯夷。叔齊。泰顛。閔夭。散宜生之屬。皆歸之。是時紂殘虐無道。諸侯

離畔。而西伯專征伐天下。歸周已三分有二。最後得太公呂尙將相之材。

取天下已如反手矣。

第十九課 周二

初文王娶太姒。有賢德。生發。是爲武王。武王嗣立。以太公望爲師。周公旦

爲輔。召公畢公。皆武王之弟。之徒。左右王師。遂大會諸侯。觀兵於孟津。以儆紂。

紂猶不悛。又二年。然後滅商。卽天子位。己卯十三年。大封諸侯。以國號爲有天

下之號曰周。當入商之時。百姓皆郊迎。王都豐。自文王時已都豐。及滅商乃往來於二地。繼遷

鎬。爲諸侯十三年。爲天子七年。子誦嗣立。是爲成王。元年。成王立時年少。

十二歲 周公恐諸侯畔乃攝行政事召公奭畢公高爲輔海內晏然其時祇有管蔡之變耳武王時封紂子武庚于殷使其弟管叔蔡叔監之至是畔周公東征三年後遂制禮作樂營洛邑爲東都自此始內有懿親大臣儆戒於朝廷外伐淮奄淮夷奄國名振揚國威蓋自古以來極政治完全之時代也王在位三十七年子釗嗣立元年是爲康王王在位二十六年子昭王瑕立元年己丑

第二十課 周三

當康王之時守文王武王成王之遺政四裔賓服百姓興於禮義刑措不用者已四十餘年至是王道缺微周始衰昭王在位五十一年南巡狩溺於漢子穆王滿立元年庚辰王初即位用祭公謀父君牙伯冏輔政修文武之道嘗巡行四夷隨以兵略定之北征犬戎西登昆侖東征走死徐偃王遂大起師至九江南伐越大會諸侯於塗山志事甚侈而周亦於是衰在位

五十五年子共王繄扈立元年乙亥在位十二年子懿王囂立元年丁亥在位二十五年共王之弟孝王辟方立元年壬子在位十五年諸侯復立懿王之太子是爲夷王燬元年丁卯在位十六年子厲王胡立元年癸未自共王以來天子卑弱諸侯浸強夷王至下堂見諸侯至厲王益之以暴而周幾亡矣王暴虐侈傲又以榮公爲卿士國人謗王王使衛巫監謗民命不堪召公召康公之後諫之不聽國人畔王王奔彘今山西霍州周召二公共和行政焉王在位五十一年共和十四年太子靖卽位是爲宣王元年甲戌王卽位二相輔之脩政法文武功成康之遺風而方叔召虎尹吉甫仲山甫之徒又皆一時名將賢臣於是諸侯復宗周周道中興王在位四十六年子幽王涅立元年庚申王嬖褒姒不脩國政在位十一年爲犬戎所殺子平王宜臼立元年辛未遂遷都洛邑西周亡西周自武王己卯至幽王庚午都十二王三百五十二年

第二十一課 周四

平王以犬戎弑幽王晉衛秦鄭會師逐犬戎遂錫晉文侯命尚書有文以  
 虢鄆十邑與鄭又命秦為諸侯與以岐豐故地王室東遷由是王室衰微  
 諸侯強并弱政由方伯周初之千八百國至是僅有百七十國後又為二  
 十餘國蠻夷日肆賴五霸之力攘夷尊周人始知尊王故孔子作春秋於  
 是託始王在位五十一年孫桓王林立壬戌年王奪鄭伯政以與虢公鄭伯  
 不服周鄭交質鄭祭足帥師取王麥禾王以諸侯伐鄭戰于繻葛王師敗  
 績王在位五十三年子莊王佗立乙酉年是時齊桓公以管仲為相首霸  
 業王室稍尊王在位十五年子釐王胡齊莊王立庚子年在位五年子惠王  
 闔立乙巳年二年王子頹作亂鄭伯虢公討殺子頹王與鄭以虎牢以東之  
 地命齊桓為侯伯是為五伯之始王在位二十五年子襄王鄭立庚午年四

年王子帶弟以戎之伊洛入寇秦晉伐戎十六年又以狄即赤狄白狄先居北地後徙西河上  
 入寇王出居鄭晉文公殺帶納王

第二十二課 周五

初宋襄公爭伯伐楚敗績晉文公初立爭先納王敗楚於城濮王錫命為  
 侯伯晉伯以成及晉文卒秦穆公再伐晉秦亦伯西戎襄王在位三十三  
 年子頃王壬臣立癸卯年在位六年子匡王班立己酉年在位六年弟定王瑜  
 立乙卯年是時楚莊王敗晉於鄆伯諸侯觀兵問鼎王使王孫滿謝之王在  
 位二十一年子簡王夷立丙子年在位十四年子靈王泄立庚寅年是時晉楚  
 分有伯權王在位二十七年子景王貴立丁巳年在位二十五年劉子猷公  
 單子穆公立王子猛王次子子朝王庶子爭立作亂未幾猛卒猛母弟句立  
 是為敬王是時孔子仕魯欲行道以治天下為中都宰道不拾遺及

爲大司寇攝相事會齊夾谷齊人大恐歸女樂以間之孔子去魯徧適列國皆不遇遂反魯脩六經作春秋春秋起平王乙未訖敬王庚申都二百四十二年至魯西狩獲麟絕筆是爲春秋時代此後爲戰國時代

### 第二十三課 周六

敬王在位四十四年子元王仁立元年丙寅是時越勾踐滅吳王命爲伯王在位七年子貞定王介立元年癸酉在位二十八年子考王嵬立元年辛丑在位十五年子威烈王午立元年丙辰當考王時封其弟於河南是爲桓公即西周公至是桓公之孫惠公封其少子於鞏以奉王號東周惠公王在位二十四年子安王驕立元年庚辰是時田和代齊韓趙魏亦廢其君三分晉地合燕楚爲六國并秦爲七雄春秋之時政由方伯倡尊周攘楚至是權在六國主擯秦王在位二十六年子烈王喜立元年丙午在位七年弟顯王扁立元年癸丑八年秦孝

公用商鞅變法自強諸侯合謀秦孟子至魏不能用三十七年蘇秦倡合從未幾約解秦用張儀倡連橫王獨始終主媚秦王在位四十八年子愼覲王定立元年辛丑在位六年子赧王延立元年丁未秦昭王以白起爲將范雎爲相行遠交近攻之策吞并諸侯王遂入秦獻地

### 第二十四課 周七

赧王在位五十九年自秦歸周而卒東周亡東周自平王己未至赧王乙巳都二十三王五百十五年周自武王有天下都三十五王八百七十四年赧王卒之七年秦滅東周君楚又滅魯於是周同姓之國惟餘燕衛異姓惟楚新國則韓趙魏齊而已又十九年秦滅韓又二年滅趙又三年滅魏又二年滅楚又一年滅燕及代趙亡公子嘉立爲代王又一年滅齊秦始皇五年秦二世廢衛君角爲庶人自周赧王獻地入秦中國擾亂無天子者三十



四年至秦王政二十六年。庚辰混一天下。即天子位。號始皇帝。以封國爲有天下之號。遂舉從前尙德之世。一變爲尙力之世。人君有天下之局。一變而專制之勢成。

### 第二十五課 春秋戰國諸侯鄭

鄭周厲王之後。始封曰桓公友。友宣王庶弟也。以宣王二十二年封於鄭。幽王時。友爲司徒。能和集周民。後徙其民維東。又附以虢鄆十邑之地。國漸強。及犬戎弑幽王。并殺桓公。國人立其子掘突。是爲武公。武公生莊公寤生。自桓公至莊公三世。皆爲王朝卿士。表異諸侯。而莊公尤雄武。周鄭交惡。桓王來征。拒戰。敗王師。射王中肩。又以齊魯之師伐許。鄭幾霸諸侯。莊公諸子。長曰昭公忽。次曰厲公突。次曰子亹。子亹諸子爭立。皆先死。獨厲公最後。厲公生文公捷。捷生繆公子蘭。子蘭生靈公子夷。子夷卒。庶弟

襄公子堅立。子堅生悼公湣。湣卒。弟成公踰立。踰生釐公子憚。子憚生簡公。子嘉子嘉生定公甯。自文公以來。晉楚南北更霸。鄭當中原。視鄭所向。背爲羈國。勢力之消長。霸國迭爲強弱。鄭亦向背不常。於是兩國爭霸。實惟爭鄭。故屢被晉楚兵。至是子產爲相。子產名僑如惠愛其民。善事霸國。國以治安。蓋內治外交皆善。故國小而能存。及後鄭微。而晉楚亦衰。世局遂變。春秋而戰國矣。甯生獻公。薑生聲公。勝生哀公。易死。聲公之弟共公丑立。丑生幽公。己已死。其弟緡公驢立。驢死。其弟乙立。是爲鄭君。立二十二年。號哀侯。并其國。

### 第二十六課 齊

齊始封自太公呂尙。太嶽之裔也。太嶽即唐虞之四嶽太公佐武王定天下。故封大國。及太公之國。修明政事。通工商之業。便魚鹽之利。民多歸之。國益富強。

居慈慶宮。持挺擊傷門者。諸黨相爭。方窮。於是又有所藉。東林黨以事關太子。請窮治他黨。則以窮治必連及鄭妃。請擬擊者以癩罪。勿問其他。是時帝爲兩黨所擾。無所適從。科道法司治獄。又有證佐。帝不得已。引太子及皇孫面諭羣臣。卒從太子言。磔擊者一人乃已。蓋自萬歷十年以後。建儲之議興。至是三十餘年。猶相爭未已。

### 第二百三十二課 明十六

是時不特廷臣攻訐綱紀紊亂。而邊事亦亟。初俺答受王封。烽火稍熄。獨徙居察哈爾之土默特部。常寇薊門。而泰寧朵顏諸部亦附之。叛服無常。及戚繼光鎮薊。敵不得志。遂寇遼。遼總兵李成梁亦旋能拒之。後成梁爲言官劾去。十年之間。遼易八帥。敵益肆。乃復命成梁鎮遼。成梁威望既隆。驕溢亦甚。內則結納朝士。外則乾沒餉精。剝削商民。成梁復爲言官劾去。

當成梁鎮遼。東我朝開基已傳十數世。至景祖顯祖。成梁與尼

堪外蘭攻古勒城。

二祖遇害。

是時邊吏明歸太祖詰責明

太祖大怒起

兵斬尼堪外蘭。

始逐尼堪外蘭。出圖城。尼堪外蘭逃至明境。索回斬之。

明歲輸銀幣通和好。

太

祖既誅尼堪外蘭。國益強。進征葉赫部。葉赫乞援於明。明使楊鎬將兵三十萬援之。朝鮮亦發兵會援。先是倭酋豐大閣即平秀吉攻朝鮮。神宗命楊鎬爲經略。赴援。曾敗倭兵。故朝鮮亦助明。援葉赫以爲報。未幾二國聯軍。皆爲太祖所破。并滅葉赫。進兵克開原。明使熊廷弼經畧遼東。簡卒治具。法令嚴整。邊境安息。

### 第二百三十三課 明十七

神宗在位四十八年。子常洛立。是爲光宗。是年庚申改元泰昌神宗之將崩。鄭貴妃侍疾乾清宮。及帝立。猶未移宮。又以帝寵李選侍。請帝立選侍爲皇后。復



進珠玉美姬以瞰之會都下紛言貴妃使內侍崔文昇進洩藥帝由此委頓中外疑駭御史左光斗楊漣等昌言於朝並責鄭氏外戚使促貴妃移宮未幾帝服李可灼所進紅丸崩登位方皇長子由校卽位是爲熹宗天啓元年辛酉方帝之未立李選侍據乾清宮與宦者魏進忠謀挾帝以自重及立選侍猶欲與帝同居以專大權左光斗等復建議選侍非嫡母亦不得居正宮以趣之選侍遂移宮是時劉一燝周嘉謨等執政司禮監王安夙伴讀東宮亦持正不阿與閣臣相倚發內帑抑近倖拔賢才天下欣然望治帝立未及一年罷遼東經畧熊廷弼代以袁應泰邊事漸壞內而太監魏忠賢原名進忠後賜名忠賢擅威權殺司禮監王安以太監王體乾李永貞等爲心腹帝適好弄機巧日事斧鋸髹漆諸工藝大事皆置不問於是忠賢益藉以爲姦是非倒置綱紀淪亡自神宗時已成亡國之基至是乃大定

第二百三十四課 明十八

魏忠賢本無賴爲悍少所苦恚而自宮因魏朝結王安以入大內與帝乳母客氏通忠賢始與李選侍謀專政不成及帝立封客氏爲奉聖夫人忠賢亦賜名得世廕客氏淫而狠忠賢不知書頗強記帝皆深信之兩人益相結遂矯旨殺王安外結閣臣顧秉謙魏廣微等爲羽翼內則日引帝爲倡優聲伎狗馬射獵使無暇及政事并殺光宗選侍裕妃等以絕內患忠賢提督東廠出入僭擬乘輿既有客氏內援司禮秉筆及鎮撫司又遍布心腹如田爾耕許顯純等爲之羅織鍛鍊天下無敢異其指者然是時東林黨勢尙盛而葉向高趙南星等爲之首南星爲左都御史及吏部尙書銳意澄清政府權貴憚之忠賢推重南星亦憚東林清議不敢肆及南星拒傳應星忠賢甥私謁忤忠賢魏廣微復構之而高攀龍亦發崔呈秀貪罪

呈秀附忠賢說以圖攀龍等。適楊漣亦劾忠賢二十四大罪。客氏爲之營救。帝昏昏不辨。反切責漣。忠賢遂悍然不顧。誣南星攀龍徇私。罷其職。誣陳于廷楊漣左光斗朋比。削其籍。向高見事不可爲。亦引去。

第二百三十五課 明十九

自楊漣之劾忠賢。不得直。廷臣皆起公憤。交章論劾者。又七十餘人。忠賢懼正黨始終與爲敵。於是作三朝要典。援梃擊紅丸。移宮三案。爲一網打盡之計。矯旨逮楊漣左光斗袁化中魏大中周朝瑭顧大章下鎮撫司獄斃之。時謂之六君子又逮問高攀龍周順昌周起元繆昌期李應昇周宗建黃尊素七人。攀龍自沈於水。順昌等皆下獄死。時稱後七君子又殺熊廷弼以實楊漣諸人賊罪。凡論劾忠賢及不附者。皆引三案與黨人之目以入之。且刊黨人姓名於天下。盡毀天下講學書院。正人貶殺殆盡。忠賢之勢益張。一時

中外諸大臣皆附之。或甘爲養子。或排陷正人。以求親媚。又使人四出刺探外事。天下無復敢有異論者。是時撫臣媚忠賢尤甚。各省皆大起生祠。營造九楹宮殿。用金像冕旒。陽稱堯舜神聖。頌揚功德。陰實勸進以奉神器。不敬者皆下獄論死。忠賢進爵上公。并祠於國子監。其族黨戚屬皆封公侯。加師保。忠賢從子良卿至代。帝享南郊。祭太廟。帝方昏愚。無爲閹人假其權。顧能壓制天下如此。

第二百三十六課 明二十

是時不特正人君子悉被閹禍。即齊民亦日不聊生。蓋自神宗萬歷間。寧夏朝鮮用兵。而北邊又連年多事。國用已乏。及營建乾清坤寧兩宮。無所出。由是有開礦增稅之議。命宦者領礦稅使。自畿輔以及河南山西湖廣浙江陝西四川遼東廣東廣西江西福建雲南。無地不採。自房地市舶以

及鹽茶魚葦無不增。而中國之大。礦山之多。一時并舉。尤爲數千年未有之創聞。然礦脈隱微。難識開採。無法又無其具。無所得中使。則勒民償納。奸人復助之橫索民財。或誣以盜礦。籍沒其家私。或指爲礦脈。奪其田宅。至徵稅則不分都會窮鄉。下至極瑣細之物。皆苛以重稅。萬曆末年李汝華倡加邊餉崇禎初年楊嗣昌又加練餉二餉共加賦二千水陸間數十里。使者輒樹旗建廠肆行殺奪。二者分括天下。無完區。加以連年旱溢。中人之產無得全者。由是盜賊蜂起。內地則有徐鴻儒陷山東南偏諸州郡。王二等起陝西邊徼。則四川貴州土司並叛。荷蘭人亦自臺灣出據澎湖。犯福建海岸諸郡。蓋自古以來。內憂外患。民窮財匱。無政法無倫理。未有如明熹宗之世者。帝在位七年。皇五弟信王由檢立。是爲懷宗。即莊烈帝明年爲崇禎元年

第二百三十七課 明二十一

懷宗卽位。放忠賢於鳳陽。

忠賢被放道死詔磔其屍

誅客氏及良卿等。罷鎮邊諸中官。

詔中官非奉命不得出禁門。免天啓逮死諸臣贓。

初忠賢誣諸臣受外臣贓賄交鎮撫司追比復

逮其家屬

釋其家屬。追卹楊左諸臣。復其職。定忠賢罪案。以六等定罪。刊布中

外。於時天下稱快。皆頌帝之神明。然忠賢雖敗。其餘黨猶有存者。而廷臣相爭亦未已。周延儒爲相。復貪黷。帝厭其所爲。乃以中官爲監軍。是時袁崇煥督師。薊遼與我大兵相持。崇煥有智略。善用兵。尋以反間誅死。孫承宗代之。崇煥承宗皆再督師。會承宗亦罷我大兵已攻降朝鮮。是時朝鮮

爲明藩屬明不能救

復入塞。下畿輔四十八城。山東十六城。京師戒嚴。詔盧象昇勦

王監軍中官等。潛主和議。象昇戰死。以洪承疇爲薊遼總督。承疇與吳三桂援錦州。皆敗。其將復執承疇以降。會議和。又未果。我大兵入薊州。下河間以南。及山東州郡。凡八十八城。還屯山海關外。我朝規畫遂大定。

然明自神宗以後其君臣非不留意於北邊乃外而經撫不合內而本兵部謬誤熊廷弼袁崇煥孫承宗雖有將帥之略不能行其志而姚宗文袁應泰王化貞高第諸人或措置乖方或妬功忌才能袁戰守之功王高敗挫之罪無不顛倒邊事之不可救實由於此時

第二百三十八課 明二十二

是時陝西流賊方大起先是閹黨喬應甲巡撫陝西朱童蒙巡撫延綏皆貪酷又連歲大祲於是王二王嘉尤王左掛高迎祥諸賊并起攻城堡殺官吏迎祥至稱闖王尤梟傑饑民王大梁及山陝游民皆聚衆應之是時站元卒山陝游民仰驛糈者不得食王二大梁尋敗死左掛亦爲洪承疇所殺而楊鶴總督三邊一意主撫流賊遂所在蜂起延安張獻忠米脂李自成自成迎祥甥皆與迎祥合連陷山西州縣時言官劾鶴下獄以洪承疇代之曹文詔陳奇瑜

盧象昇皆分道討賊賊敗竄犯畿南河北又陷江北霍邱鳳陽復走陝西是時奇瑜以縱賊下獄賊蔓延中原大半承疇一人不能當乃擢象昇總理江北河南山東湖廣四川東南諸省軍務承疇分辦西北軍務淮南滁州之賊皆敗還陝西迎祥被擒其黨推自成為闖王時朝議大舉平賊使楊嗣昌熊文燦總理南敵五省軍務兩人怯懦無能復用楊鶴招撫舊法會獻忠爲左良玉所蹙僞降良玉謀斬之文燦不可受之未幾又叛於穀城是時北邊告警畿輔戒嚴承疇象昇旋師勤王朝廷獨倚良玉辦賊諸賊惟張獻忠擾陝西李自成擾河南餘賊死降殆盡

第二百三十九課 明二十三

張獻忠既叛於穀城遂陷房州旋爲左良玉所破將就擒良玉恐賊滅無以見重復縱之獻忠遂連陷四川州郡復東犯陷襄洛良玉追破之賊衆

中國歷史課本第三編下  
解散獻忠往投李自成。自成已陷河南府，畀獻忠五百騎，使東擾漢南，自引兵陷南陽，決河灌汴，復陷之。又連陷汝寧、承天，自稱襄王。是時獻忠亦入臺州，連陷廬州、含山、巢、廬江，無爲、六安諸州。又西陷武昌、漢陽，僭號武昌。自成怒，將攻之。適獻忠爲良玉攻破，悉衆趨湖廣，入四川，蹂躪全蜀。自成則用其從事顧君恩策，由襄陽寇潼關，進陷西安、延安諸郡，移攻蘭州。復陷西寧、甘肅。於是三邊皆沒。自成僭王號於西安，建國號，置丞相以下官屬。以牛金星爲丞相。復渡河而東，連破蒲汾二州，陷太原。別軍犯畿南，陷真定。又攻彰德。是時京師震動，帝下詔罪己，發帑金治守具，詔天下勤王。御史李邦華請帝南遷，帝從范景文言，死守。社稷不許，尋封吳三桂、良玉爲伯，徵入衛。而自成已至寧武關，總兵周遇吉發礮殺賊萬人。又設伏誘賊入城，殺數千人。自成悉力攻破之，遇吉巷戰死。城中士民無降者。自成恐大

同宣府盡如寧武將還，俟再舉。而大同宣府降表踵至。自成遂長驅至宣大，抵居庸關。太監杜勳、杜之秩、總兵姜瓖、唐通皆先後以關降。遂陷昌平，進圍京城。時三桂兵方抵豐潤，帝手書親征，詔令護太子南行。而曹化淳啓門迎賊至夜內城，亦陷。帝登煤山，自經崩。在位十七年。

### 第二百四十課 明二十四

懷宗既殉國，羣臣殉難者自大學士范景文、尙書倪元璐以下數十人。士民殉難者又數百人。一時氣節之壯，冠古今。時我世祖章皇帝順治元年三月也。李自成氈笠縹衣入京師，登皇極殿，下令大索帝后。期百官三日相見。越三日，成國公朱純臣、大學士魏藻德、陳演等率百官入賀。演首勸進，自成召見朝官，以大僚多誤國，繫純臣、藻德、演及諸勳戚大臣付劉宗敏營，灼肉折脛以責賂。賂金盡，然後殺之。天下稱快。是時畿內郡縣



皆降自成。山東河南亦多附自成。方諷吉升殿而吳三桂已降我。大清乞共討賊。王師入關矣。三桂先驅。大兵繼進。大破自成於山海關。自成奔還京師。悉鎔所拷索金及宮中帑藏器皿爲餅。每餅千金約數萬餅以車載歸西安。旋被冠冕。僭號於武英殿。焚宮殿及九門城樓。挾太子二王奔山西。我大清遂定鼎燕京。當自成之陷北都。明南京兵部尚書史可法亦奉福王由崧監國於南京。明年乙酉爲弘光元年可法方督師勤王在浦口。福王與潞王常潞皆避賊至淮安。南京諸大臣議立君。錢謙益周鏞等與諸文臣皆主立潞王。馬士英利福王昏庸欲立之。而結武臣高傑等。兩黨皆致書可法相持不決。士英與諸武臣以兵挾異議者。可法始不得已以福王告廟。以太子存亡未卜故稱監國。

第二百四十一課 明二十五

福王旋稱帝。以史可法督師江北。可法定京營制。如北都故事。侍衛及錦衣衛諸軍悉入伍操練。東西兩司房及南北兩鎮撫司官不備設。以杜告訐。人心粗定。未幾馬士英專政。士英亦魏閹餘黨。既藉武人立福王。以邀寵倖。乃廣布羽翼。凡從前著名逆籍阮大鍼楊維垣等皆引入之。假以大權。合謀攻正黨。重布三朝要典。定北都從賊罪案。蓋士英大鍼屢爲正黨所攻而從逆諸臣又多附會清流者。定新案以相抵制。翻舊案以排東林。福王心術私曲。又縱酒淫樂。不務政。故正黨卒爲大鍼等所敗。大鍼等益無顧忌。紀綱蕩然。是時河北郡縣多附我。朝命吳三桂逐賊陝西。而張獻忠則乘間僭帝號於蜀。明使王應熊督師討蜀寇。樊一蘅督川陝軍務。越其傑巡撫河南。張縉彥督北直山西河南軍務。而史可法將師次清江。率諸將守要地。緣河南岸築壘。可法極意經畧。中原屹然爲南朝保障。

此外川陝之師亦頗克復郡縣若其傑縉彥皆爲奸黨助聲勢無戰功是時我朝西討之師已分兵下江南可法晝夜防河不暇更及內事

第二百四十二課 明二十六

方史可法之督師一時驍將如黃得功高傑許定國劉澤清之徒皆分守要地傑爲人橫暴澤清黨馬士英心術叵測餘亦多猜忌不相能可法曉以大義操縱調和之屢請籌餉爲進取資士英靳而不發可法上疏趣之極言時勢艱難舍籌兵籌餉無議論舍治兵治餉無人才福王雖優旨褒答而不能行是時我朝已撫定山東山西睿親王致書可法喻以順逆可法不爲屈我大兵取海州宿遷圍邳州降豐沛諸縣克河南府至孟津高傑進兵歸德約定國籌防禦定國方駐睢州故與傑有怨已陰納款於我大清遂殺傑以降傑部下大亂可法痛中原不可爲亟馳至徐州

用傑子及其甥撫定其軍

是時傑舊部十餘萬

士英忌可法收傑舊部使監軍衛允

文士英黨

經畧開歸以分其權可法益不得展布是時我

大兵已定關陝

分兵三道趨歸德河南悉定未幾左良玉舉兵士英之立福王非良玉意

良玉管使黃澍奏士英等過惡及王之明事起

有人稱崇禎太子士英等以刑鞠之云王之明

良

玉爭不聽

時謂僞太子良玉黃得功等以爲真先後上疏爭之

士英又裁其餉遂與諸將盟傳檄遠

近上疏請誅士英乃舉兵士英本畏良玉及聞良玉舉兵舟師自漢口達

蘄州列三百餘里益大懼急使阮大鍼等會黃得功趨上江堵禦於是置

北防於不顧

第二百四十三課 明二十七

自馬士英使黃得功等拒左良玉江北之師盡撤我大兵益日夜南下史可法奔還揚州是時良玉已死其子夢庚統其衆得功雖大破左兵然



已。不。及。與。可。法。合。可。法。以。二。萬。人。守。揚。州。城。破。死。之。部。衆。皆。巷。戰。死。其。他。諸。生。及。婦。女。死。節。者。不。可。勝。數。大。兵。既。屠。揚。州。渡。江。士。英。以。黔。兵。自。衛。走。浙。江。福。王。奔。蕪。湖。入。黃。得。功。營。我。大。兵。遂。入。南。京。收。明。降。卒。二。十。三。萬。使。降。將。劉。良。佐。襲。得。功。戰。死。總。兵。田。雄。執。福。王。以。降。明。亡。福王立一年順。治。二。年。六。月。也。南。京。既。破。浙。江。亦。失。唐。王。聿。鍵。奔。福。建。稱。帝。魯。王。以。海。亦。稱。監。國。於。紹。興。未。幾。張。國。維。朱。大。典。等。起。浙。東。之。師。陳。子。龍。夏。允。彝。等。起。上。下。江。士。民。之。師。益。王。朱。由。本。等。起。江。西。之。師。士。大。夫。皆。起。兵。圖。恢。復。然。權。分。勢。散。水。陸。不。相。聯。合。亦。或。自。相。牴。牾。故。卒。爲。洪。承。疇。貝。勒。博。託。等。先。後。攻。破。是。時。唐。魯。二。王。雖。并。起。旋。亦。以。爭。立。不。合。然。當。時。遺。臣。以。唐。王。有。幹。略。皆。屬。意。又。憤。鄭。芝。龍。之。獨。握。事。權。江。右。湖。南。衢。州。贛。州。皆。請。唐。王。往。莅。唐。王。欲。出。汀。州。入。贛。與。湖。南。相。通。爲。芝。龍。所。抑。不。得。行。

第二百四十四課 明二十八

是。時。明。何。騰。蛟。據。長。沙。有。左。王良玉。闖。李自成舊。部。號。數。十。萬。以。總。兵。十。三。人。爲。

十。三。鎮。分。鎮。湖。南。北。與。我。武。昌。荊。州。大。軍。相。持。楊。廷。麟。亦。自。贛。恢。復。吉。

安。守。之。軍。頗。振。何楊皆奉唐王尋。大。兵。自。浙。東。進。克。吉。安。撫。州。別。軍。亦。克。紹。興。

進。下。金。華。魯。王。遁。入。海。其將方國安將執魯王以降不果閩。中。大。震。鄭。芝。龍。陰。納。款。於。洪。

承。疇。以。海。寇。入。犯。給。唐。王。撤。仙。霞。嶺。守。兵。以。行。二百里間空無一人我。大。兵。遂。克。

衢。州。進。克。建。甯。長。驅。入。關。仙霞唐。王。自。延。平。奔。汀。州。是時王巡撫上游四府我。大。兵。

踵。至。遂。執。唐。王。王不食死芝。龍。迎。降。福。建。全。地。定。未。幾。芝。龍。子。成。功。起。兵。芝。龍。

本。海。盜。降。明。明。封。爲。伯。及。降。我。大。兵。成。功。痛。哭。諫。之。不。聽。至。是。慷。慨。募。

兵。焚。所。著。儒。服。拜。辭。孔。子。廟。乘。巨。艦。入。海。據。廈。門。順。治。三。年。也。是。時。桂。王。

由。榔。稱。帝。於。肇。慶。永歷元年丙戌尋。敗。至。武。崗。再。走。廣。西。是。時。明。瞿。式。耜。取。廣。西。

兵勢頗振而王光代據鄭張名振據舟堵胤錫國長姜瓖反大李占春起川  
南李成棟金聲桓反江西皆先後舉事以歸桂王會孔有德破桂林桂王  
走梧州尚可喜屠廣州桂王又走南寧桂王所據兩廣地皆為有德可喜  
降定

第二百四十五課 明二十九

大兵既克湖南兩廣明桂王奔雲南又得孫可望李定國之衆二人皆吳  
桂破蜀故復取四川兩廣及湖南諸州縣旋為尚可喜吳三桂是時三  
二人降明等所復會孫可望畔桂王三桂等破李定國入滇城桂王西走永  
昌尋入緬甸是時雲貴川廣湖南皆為大兵所定三桂留鎮雲南復起  
兵征緬甸會執桂王降旋死於雲南李順治十八年也桂王之走南寧魯  
王旋敗於舟山張名振奉之走廈門依鄭成功是時桂王得孫可望之兵  
勢已振魯王遂去監國號

是時成功在閩乘大兵攻舟山之際大舉攻沿海州郡及魯王來投勢  
益振進攻福州寧德取溫台成功雖奉魯王實奉桂王年號明永其攻寧德  
告捷桂王桂王封以延平郡王招討大將軍成功分所部為七十二鎮設  
六官理事戈船之士凡十七萬又乘大兵攻雲貴遂大舉攻江南破瓜  
洲取鎮江及其屬邑進薄金陵謁明孝陵而張煌言亦取徽寧諸路成功  
移檄遠近太平寧國四府三州二十四縣望風納款會我總兵梁化鳳乘  
其不備襲之成功大敗復還臺灣

第二百四十六課 明三十

當鄭成功之取鎮江將進兵金陵其部將甘輝請取揚州斷山東援師據  
京口斷兩浙之漕扼其咽喉號召各郡南畿可不戰自困成功不從故大  
業垂成旋覆然成功自江甯敗後奉魯王據臺灣猶時時攻取沿海城邑

臺灣當明末日本嘗據其地以剽掠沿海州郡及天啓四年荷蘭人商於臺灣遂逐日本而奪之順治十八年成功復逐荷蘭人由廈門奉魯王居之於是儼成一獨立國成功據臺灣三年自順治十八年至康熙二年桂王見執已二年尋魯王及成功前後卒成功子經代立猶奉永歷年號經死子克塽嗣立成功之時其將黃梧施琅等多背之歸順至經鄭氏族人出降益多及克塽立將士又多離畔至康熙二十二年我聖祖仁皇帝既定雲南之亂吳三桂之子世璠復使施琅等大舉征臺灣平之以爲府明遂全亡明白太祖戊申至福王乙酉十七帝都二百七十九年唐王桂王相繼據江南者十五年鄭成功奉魯王據臺灣至經克塽又二十三年都三百十六年

### 第二百四十七課 總結

自古之世統一中國者三代凡二千四十一年曰伏羲氏傳十五帝曰女媧柏皇中

中央大庭粟陸驪連渾沌赫胥尊虞吳英有巢曰神農氏傳七帝曰臨魁帝

五百二十二年曰黃帝氏傳四帝曰少昊曰顓頊曰帝自紀元以後甲辰

紀元下迄明末崇禎十七年十四代凡四千年曰唐百一年曰虞五十年曰夏四

三十九年曰商二百四十八帝凡六曰周三十八帝凡八百七十四年自曰秦一

二帝凡五年曰西漢十三帝合王莽及淮陽曰東漢十三帝凡一百一十九年曰晉十五帝

五十年曰隋三帝凡二曰唐二十一帝一百一十九年曰宋十八帝凡一百一十八年

十八年曰明十六帝凡七東漢以後偏安者十有二曰蜀漢曰東晉曰宋劉

曰齊蕭曰梁蕭曰陳陳曰後梁朱後唐李後晉石後漢劉後周郭曰南宋趙

割據者三十有六蜀漢時曰魏曹曰吳孫晉宋間曰二趙劉曰三秦苻

伏姚曰五涼張呂段曰四燕慕容曰成李曰夏赫北朝曰後魏拓曰東魏高西

魏曰北齊高曰北周宇文五代時曰吳楊曰南唐李曰前蜀王曰後蜀孟曰

南漢。劉曰北漢。劉曰楚。馬曰吳越。錢曰閩。王曰南平。高兩宋時曰遼。耶曰夏。趙曰金。完顏。此外僭僞小邦。皆倏起倏滅。不可勝數。

第二百四十八課 總結二

中國當太古之時。大地荒蕪。其舊有之土人。自生而自滅者。皆苗蠻也。及漢族東來。自成部落。始驅土族而遠之。於是伏羲氏出。教民以牧畜神農氏出。教民以種植。居處既定。漸有飲食之交易。繼有器用之交易。易曰。中嗑。諸嗑。由是人種漸繁。土民之酋長亦多歸附。然其時漢族勢力。不過沿江河流域。至於東海而已。自黃帝討伐蚩尤。漸事遠征。大興制度。遂成漢族一統之基。黃帝以後。皆守成之主。至於堯舜。皆勤內政。不事外征。然猶伐胥傲各國。見莊子齊物論。大禹在位。大會諸侯於塗山。漢族之權益振。自是以後。后啓征有扈。商伐鬼方。周逐獫狁。犬戎歷三代。猶守壓制外族之策。故曰。

上古期爲漢族增勢時代。若其政體。則黃帝以前爲酋長。黃帝以後爲貴族。黃帝以前。人君廢立。在民。黃帝以後。人君廢立。在諸侯。蓋其時君民浹洽。臣主親睦。合而謀安全。禦外侮。天下爲公。器人君非富貴。故巢由不受天下。朱均不有天下。堯舜禹之揖讓。民不以爲疑。湯武之征伐。民不以爲非。未有起家草澤。強劫其民。以有天下者。故又曰。上古之世。爲尙德之世。

第二百四十九課 總結三

自秦滅周。併六國。置郡縣。統一天下。國境東南皆際海。其內地戎狄部落。已先爲六國滅盡。惟匈奴盛於北邊。然當六國時。趙數敗匈奴。而限以長城。至是大舉逐匈奴。復因趙之長城。西起臨洮。東屬海。以爲邊塞。置重兵以戍之。華夷遂若天限。漢則北逐匈奴。西定西域。三韓內附。交趾請降。漢族之威大振。故至五胡十六國之際。漢族雖稍衰。猶能與之頡頏。至隋唐。

二朝益大舉外征唐之討平突厥降服諸夷

即奚室韋高昌吐蕃回紇之屬征伐海東

東征滅高麗百濟大破日本羈縻之州數百置六都護漢族聲威至是爲極故曰中古

期爲漢族勢盛時代然至唐之季世契丹起於北邊五代之時異族迭主

中國北部南部漢族分據而無所統以周世宗之雄北下三關卒亦未竟

其志宋太宗復一敗不振故遼金元代興迭起塞外諸族一盛而不復衰

元卒成一統大國雖明太祖一舉滅元而塞外之地如故元旋建西方大

國而我朝亦龍興東北漸次收合金元遺族明亦遂亡故曰近古期爲

蒙古族最盛時代

### 第二百五十課 總結四

漢族之由盛而衰皆由於內亂故外族得而乘之內亂之由實始於私天

下

柳子厚謂公天下自秦始蓋謂匹夫可以篡奪天下也

自秦始皇變封建爲郡縣據爲一家之私

利復聚天下之兵定挾書之禁舉天下之民而鎮壓之愚弱之上古扶植

民族之義絕民之離心力亦起故漢高祖崛起而代之若反手然人見天

下之可以力取也由是王莽曹丕篡漢司馬炎篡魏劉裕篡晉蕭道成篡

宋蕭衍篡齊宇文泰高歡篡魏楊堅篡北周李淵篡隋朱溫篡唐趙匡胤

篡周篡弑頻仍無一不出於權臣而女寵與寺官相與助成其禍篡竊之

徒復利用愚民以鎮壓天下務盡破其團結之力而後已民惟食租納稅

視君主代易夷然不爲怪洊至遼金侵陵而安之元之統一而亦安之明

太祖雖崛起草澤光復漢族故國然權奸閹禍三百餘年相繼不熄盜賊

復起而擾之明遂忽焉亡矣蓋力之爲物一而已用之於此必不足於彼

自秦至明皆用強力自制其種族以就私利者也故又曰中古近古兩世

爲尙力之世夫用力自制必不足於制人故自五代之時漢族之衰象漸

著至明而已極。自國初至於今。又三百餘年。蒙漢化合。可謂無外族之虞矣。而數萬里歐州之異種。乃乘勢東漸。日本亦崛起於海東。我則藩籬盡失。向者羈縻州郡。不過馭外之虛名。彼則張大遠勢。轉欲殖民於中國。我之民族。皆義農以來所遞嬗而逐驅外族之種族也。當此酷烈競爭之世。豈竟忘其能事。甘聽他人之宰割我乎。